

Allannguutissatut siunnersuut

uunga

Uunga siunnersuut: Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat nr. xx, xx 2012-imeersoq

Aappassaaneerlugu oqaluuserineqarnissaanut Naalakkersuisunit saqqummiunneqartoq.

§ 1

1. Inatsisisatut siunnersuummi nr. 4 imatut allassimassaaq:

”**4.** § 22, imm. 2, nr. 4-mi allassimasoq ”100.000 koruuniuppata” allanngortissaq imaalillugu: ”50.000 koruuniuppata””.

2. Inatsisisatut siunnersuummi nr. 5 imatut allassimassaaq:

”**5** § 23 imatut oqaaasertaqassaaq:

”**§ 23.** Inuk, § 1, imm. 1, nr. 1 aamma 2 naapertorlugit akileraartussaatitaasoq, imaluunniit § 2 malillugu killilimmik akileraartussaatitaasoq namminersorluni inuussutissarsiornermik ingerlataqarnermini isertitaqartoq, pigisat § 24, imm. 1, nr. 1 naapertorlugu, akileraartarnermi nalikilliliinerit il.il. pillugit nalunaarummi nalikillilerneqarsinnaasutut taasanik, annertunerpaamik imm. 2-mi taaneqartut nalikillilerneqarsinnaasut annertoqataannik akileraarutitigut nalikilliliisinnaavoq.

Imm. 2. Ukiunut ataasiakkaanut akileraarutitigut nalikilliliinerit annertunerpaamik nalinut ukununnga naapertuutissapput:

- 1) Illuutit atortullu ikkussorneqarsimasut pissarsiarineranni nalingisa ukiumut 5 procentii angullugit nalikillilerneqarsinnaapput.
- 2) Umiarsuit timmisartullu pissarsiarineranni nalingisa ukiumut 10 procentii angullugit nalikillilerneqarsinnaapput.
- 3) Nalikillilerneqarsinnaasunut allanut aningaasartuutit il.il. aammalu ingerlatsinermut atortut, pequtit pissarsiarineranni nalingi aammalu pigisanut piffissami killilimmi pisinnaatitaaf-finnut akiliutinut il.il. 30 procentii angullugit nalikillilerneqarsinnaapput, ukiup aningaasarsiorfiusup naanerani pigisap nalikillilerneqarsinnaasup nalinganit tunngaveqartumik.
- 4) Pigisanut nalilinnut nr. 3-mi taaneqartunut aningaasartuutit imaluunniit pissarsiarineranni nali 100.000 koruuniuppata taakkualuunniit ataallugit naleqarpata 100 procentii angullugit nalikillilerneqarsinnaapput.

Imm. 3. Namminersorluni inuussutissarsiornermik ingerlataqartut imm. 1-mi taaneqartut nalikillilerneqarsinnaasunut aningaasartuutinik aammalu pigisanut nalilinnut il.il. imm. 2, nr. 3-mi 4-milu taaneqartunut kontomik ataatsimut naatsorsuiffiusussamik naatsorsuuteqassapput. Ukumi nalikilliliissutit ukiup aningaasarsiorfiusup naanerani nalikillilerneqarsinnaasup nalinga tunngavigalugu nalikilliliissutigineqartassapput. Naliusoq taanna ukiup aallartinnerani

naliusup nakilliliissutaasinnaasutut aningaaasartuutinik imaluunniit ingerlatsinermut atortut il.il. pissarsiarinerani nalinginik ilallugit naatsorsorneqartassapput, taakkua ukiumi aningaa-sarsiorfiusumi pissarsiarineqarsimappata, aammalu ukiumi ingerlatsinermut atortut il.il. uki-umi aningaaasarsiorfiusumi tuninerini nalinginik kiisalu imm. 2, nr. 4 naapertorlugu nalikilli-liissutaasunik ilanngaaateqartillugit. Pitsanngorsaatinut aningaaasartuutit pissarsinermi naliusut suliarineqartassapput. Ukiup aallartinnerani naliusoq tassaavoq ingerlatsinermut atortut il.il. ukiuni siusinnerusuni pissarsiarinerisa nalingi aammalu aningaaasartuutit nalikilliliissuti-nik ilanngareerlugit nalingat.

Imm. 4. imm. 2, nr. 3-mi aamma 4-mi pigisanik taaneqartunik tunisinkut naliusut nalikilli-liissutigineqarsinnaasup sinnera qimmissimappassuk, nikingassut naatsorsugaq ukiumi ani-ngaasarsiorfiusumi tessani isertitatut ilanngunneqassaaq.”

3. Inatsisisstatut siunnersuummi § 2 imatut oqaasertaqassaaq:

”§ 2

Inatsisisartut inatsisaat 15. december 2012-imiit atuutilissaq ukiorlu aningaaasarsiorfiusoq 2013 aallarnerfigalugu sunniuteqalissalluni, takuulli imm. 2.

Imm. 2. Inatsisisstatut siunnersuummi nr. 3 aamma 4 ukioq aningaaasarsiorfiusoq 2012 aallar-nerfigalugu atuutilerput. Ukiumut aningaaasarsiorfiusumut 2012-imut, aningaaasarsianit akile-raarutit pillugit inatsimmi § 22, imm. 2 naapertorlugu nalikilliliissutaasut katinnerannut, sel-skabip, akileraarutit ilanngaatigitinnagit sinneqartooraataasa akileraaruteqaataasussat 25 pro-centiinut naapertuuttut qaavatigut ilassutigisinnaavai, aatsaalli aningaaasarsianit akileraarutit pillugit inatsimmi § 22, imm. 2 aamma 5 malillugit nalikilliliisoqareerneratigut. Ukiumi ani-ngaasarsiorfiusumi 2012-imi § 22, imm. 2, nr. 4-mi nalikilliliissutaasinnaasutut killiussaq 75.000 koruuniavoq. Selskabinut il.il., ukiumik kipingasumik aningaaasorsiorfeqartunut, piffis-saq naatsorsuusiorfik 31. august 2012-imut siusinnerusumiluunniit killeqarpat, inatsit sunniu-teqartumik aatsaat atuutilissaq ukioq aningaaasorsiorfik 2013 aallarnerfigalugu.”

Siunnersuummut oqaaseqaatit

Oqaaseqaatit nalinginnaasut

Akileraarusersuinerup allanngortinneqarnissaa pillugu partiit Naalakkersuisuutitaqartut aamma Naalakkersuisut akornanni oqalliseqatigiinnerup kingunerisaanik allannguutissatut siunner-suusiortoqarpoq.

Allannguutissamut siunnersuutip kinguneriissavaa selskabit 50.000 koruunit angullugit nalilinnik ukiup ingerlanerani pigisanik pisiarineqarsimasut, pisiamik nalingi tamakkerlugit akileraarutitigut nalikilliliissutigisinnaanerinut periarfissaqartinneqassasut. Ukiumili aningaasarriorfiusumi 2012-imi killiussaq taanna 75.000 koruuninut angissusilerneqarnissaa siunnersuutigineqarpoq.

Namminersorlutik inuussutissarsiornermik ingerlataqartut allannguutissatut siunnersuutip kingunerisaanik 100.000 koruunit angullugit nalilinnik ukiup ingerlanerani pigisanik pisiarineqarsimasut, pisiamik nalingi tamakkerlugit akileraarutitigut nalikilliliissutigisinnaanerinut periarfissaqartinneqassasut. Namminersorlutik inuussutissarsiornermik ingerlataqartunut taamatut qaffasinnerusumik nalikilliliissuteqarsinnaanermik periarfissiineq pissuteqarpoq, selskabit, selskabit akileraarutissaat iluanaarutisiassallu akileraarutissaat pillugit maleruagassanik tunngaveqartumik sinneqartoorutit akileraaruteqaatiginissaasa kinguartinneqarnissaanut namminersorlutik inuussutissarsiornermik ingerlataqartunit periarfissarissaarnerunerat.

Tamakku saniatigut allanngutissatut siunnersuut aaqqissugaanermigut allannguutinik imaqarpooq.

Allanngutissatut siunnersuutip kinguneriissavaa, akileraarutitigut nalikilliliisinnaanerup allanngortinneqarnerisa kingunerisassaanik, siunissaq ungasinnerusoq eqqarsaatigalugu, isertitanut tamarmiusunut siunnersuutip sunniutissa ukiumut 1 mio. koruuninik appassasoq 20 mio. koruuninngorluni.

Aalajangersakkanut ataasiakkaanut oqaaseqaatit

Nr. 1-imut

Siunnersuutigineqarpoq selskabit 50.000 koruunit angullugit nalilinnik ukiup ingerlanerani pigisanik pisiarineqarsimasut, pisiamik nalingi tamakkerlugit akileraarutitigut nalikilliliissutigisinnaassagaat.

Nr. 2-mut

Siunnersuutigineqarpoq namminersorlutik inuussutissarsiornermik ingerlataqartut 100.000 koruunit angullugit nalilinnik ukiup ingerlanerani pigisanik pisiarineqarsimasut, pisiamik nalingi tamakkerlugit akileraarutitigut nalikilliliissutigisinnaassagaat.

Siunnersuutip aqqissugaaneranut naqqiissutissatut siunnersuutigineqarpoq siunnersuummi § 23, imm. 3 aamma 4-mut siunnersuummi innersuussinermi "imm. 2" ivertinneqassasoq.

Nr. 3-mut

Nr. 1-itut aamma 2-tut allannguutissatut siunnersuutit kingunerisaannik, inatsisisap atuuti-lernissaanut piffissaliussap naleqqussarnissaa siunnersuutigineqarpoq.

Ilutigalugu siunnersuutigineqarpoq ukiumi aningaasarsiorfiusumi 2012-imi selskabit ukiup ingerlanerani pigisanik pisiarineqarsimasut, pisiamik nalingi tamakkerlugit akileraarutitigut nalikilliliissutigisinnaanerinut killigititaq 75.000 koruuninut angissusilerneqassasoq.